

# mainatges d'òc **PLUMALHON**

## Los chimpanzés



L'energia solara

(5,70 €)

Las enquestas de  
**BIANKA**

Los Minons





Los chimpanzès demòran dins las forèstes equatorials de la Sierra Leone, de Gabon, Congò e Tanzania. Pòt arribar que se'n tròbe qualque grop en savana, mas es pro rare.

Los chimpanzès son intelligents, sabon fabricar d'espleches. Se servisson d'èrbas per atrapar de termit e espotisson lo clòsc de las noses amb un martèl e un enclutge de lor fabricacion.



La nuèch, la passan suls arbres, a un quarantenat de mètres d'auçada, dins de nises que fan en trescant de branca.

# Los chimpanzès

**D**ins la forèst equatoriala, un grop de chimpanzès es partit cercar per manjar. Aqueles primats cosins de l'òme vivon en comunautats d'un centenat d'individús.



Los chimpanzès son d'omnivòrs : passan la jornada a se desplaçar en cerca de frucha, qu'es çò principal de lor alimentacion. Mas o complètan amb de brots, de rusca d'arbre, d'uòus e de termit. De còp en còp, lor arriba de caçar de monins o d'antilòpas quitament. Mercés a lor intelligéncia, a lor agilitat e a lor fòrça – quatre còps superiora a la de l'òme– los chimpanzès an pas d'enemics, levat l'òme e la pantera.



La maire daissa pas jamai lo pichon. En desplaçament, lo pòrta sus l'esquina. Lo sonha pendent tres ans. Es lo sol ligam conegut en çò dels chimpanzès. Los gropes se mesclan e se desseparan regularament.

Los chimpanzès son capables de se ténen dreches e pòdon caminar quitament, mas pas que sus de distàncias cortas. Un mascle adulte pòt far 1,74 m per 50 kg.

Coma los gorillas, los chimpanzès mascles venon adultes als tretze ans.